



4

聖武北征功成詩

有序

臣聞天之於萬物也有雨露以布其惠必有雷霆以示其威苟其罪所當殛雖巧於趨避者終不能逃于覆載之外以自逭夫上天之誅故肅殺行而羣生服聖王之於萬國也有政教以植善類必有甲兵以警兇頑苟其罰所難寬雖極跳梁狙詐之徒竄伏于窮荒絕險之域務必奮其力以致其討拔其本以殲其類然後邊圉固而函夏安欽惟我

皇上御極三十六載聖德神功充塞宇宙參贊貫

聖主如天之仁累頒明詔而其冥頑不悛也如故
是其逆命之惡什倍于有苗斷非虞廷之干
羽所得而格者矣

我邊疆雖
聖主如天之仁累頒明詔而其冥頑不悛也如故
是其逆命之惡什倍于有苗斷非虞廷之干
羽所得而格者矣

天子於是赫然曰此賊一日不滅則邊境一日不
寧邊境一日不寧則師旅之事一日不休師
旅一日不休則中外之生民一日不靖長蛇
封豕流毒安窮朕其親總六師以翦此凶逆
丙子春

車駕親臨塞外直抵黑魯倫河躬擐甲胄爲士卒
先星馳逐賊適西路大軍猝與賊遇截擊大
破之賊渠僅以身免遂振旅而旋當是時咸
謂可以獻馘橐弓拊手而慶大定矣

天子曰未也賊未授首如此餘燼何於是茲歲冬

聖武北征功成詩
不憚冰霜風雪之苦

躬幸窮邊

神謨密運指麾羣帥或角其左或犄其右分踞要害碁布星羅而又廣宣德意曲示撫綏於是醜類之革面者絡繹若歸市而賊之臂指斷而腹心將潰矣今歲春仲復

命簡閱車徒杖

黃鉞而張天討焉伊時有以小腆不懃不足重煩

鑿輿之屢駕者

天子以爲賊自大創之後魚爛土崩僅延視息此而不亟爲勦除恐今之雲散者不久而爲蟻聚智者乘時機不可失一日縱敵數世之患也其可不堅朝食之志而失茲大計哉遂趣駕以行由雲中以臨寧夏料兵食選精銳飭步伐分大軍兩翼以進務期戮力以立殄渠魁因駐蹕狼居胥山相機規畫旋縛其孽子檻送京師時士庶夾道聚觀者數萬人嘖嘖嘆天威之赫濯真無遠弗届於是賊所恃唇齒之邦鷹犬之族與夫爪牙心膂之人皆膽落喪魄

悔罪稽顙之恐後而賊渠益困且聞

六飛親至四面合圍自度螳螂之斧必不能當豐隆之轍情勢窮蹙如掛網之鱗陷穽之獸刀鋸在前罔知所措而以仰藥伏辜矣於是伊黨丹即拉等悉擒其女子並人口等拜表乞降捷至之日自在

廷大小臣僚以迄里巷之編氓無不以手加額歡呼動天地而逆賊噶爾丹以平猗與盛哉夫此賊非小寇也憑恃險遠出沒靡常我欲擊之則鞭長難及任之則害若養癰自非

聖天子以萬乘之尊躬履戎行櫛沐風雨至再至三不倦不疑授諸將以

廟謨瞭敵情於指掌烏能傾其巢穴係其妻孥使累年之強寇一旦而根株悉伐沙漠永清哉臣竊按史冊所載昔蚩尤無道而戮于涿鹿今邊寇肆逆而殲之瀚海是我

皇之能軍即黃帝之用兵也夏之誅防風也以後至我

皇之滅邊寇也以跋扈是即神禹之討不庭也書稱戰甘有扈乃其同姓我

皇之除暴震疊暨于遠人則武功視啓而尤赫矣
殷伐鬼方三年而始克今之出師一稔而即
定是我

皇之神武遠駕于高宗矣周之却玃狁僅至于太
原我

皇之克敵窮搜于絕塞是宣王不得擅美于北伐
矣他若漢武之空赴邊庭侈言自將唐憲之
平淮西交推善斷此猶培塿之視秦岱耳烏
足彷彿其萬一與臣九齡材術短淺無足比
數仰荷

渥恩日侍

講幄愧毫末無以報稱幸遭

盛代欣覩

成功不禁忭舞謹拜手稽首而獻凱歌六十章用
揚

國家萬世昇平之駿烈其詞曰

鑾輅平明出

九重旌旗搖曳瑞烟濃欲謀中外蒼生計三度
邊城駕

六龍

其二

二月關山景物和
鷹揚飛將擁雕戈
鳥知凱奏嬌歌
早春滿軍容細柳多

其三

服遠端須仗

帝猷躬巡遑問道
途修書生不識安邊策
臨發猶攀

玉輦留

其四

龍旂九仞拂雲高
共望

天兵似雨膏戰士
風霆申號令肯教編戶損秋毫

其五

虎旅長驅向紫臺
定教絕塞淨纖埃
揮矛何事勞推轂七校

天王自將來

其六

軍興容易亟追呼
國計經營倚

廟謨何意周師方
薄伐翻聞漢詔特寬租

其七

聖武紀卷之五
五花寶馬六鈞弓金鼓雷鳴氣象雄鼠賊聞
聲應膽破能罷萬隊出雲中

其八

興州城枕萬峯陰寂寞巖疆自古今忽覩山
河生異彩春來初幸

翠華臨

其九

神謀天授少人知鋤惡難容醜類滋羽翼既摧成
獨鳥欲逃矰繳竟安之

其十

師行奚獨任兜鍪叅贊多資帷幄謀今日運
籌皆

聖斷不煩前箸借留侯

其十一

孽子擒來萬姓看一時雀躍動

朝端思量小犢成何用饗士行當付大官

其十二

一戰鯨鯢薙草同元兇鼠竄賊巢空暫令狡
兔潛林外終見游魚藝鼎中

其十三

朔方夾道集蒼黔喜戴

堯天雨露霑共挽六螭祈

日馭再迴陽景照窮簷

其十四

千載邊氓覲

玉皇遭逢也欲仰

奎光一從

天筆留題後草木皆含

御墨香

其十五

鑾輿北伐駐高峯此地嫖姚有舊蹤試向狼居胥

上望名山不數漢時封

其十六

風送陽和雪窖溫如雲解甲叩旌門無知縱

與牛羊匹也識

天朝豢養恩

其十七

熊羆兩路走銜枚餽餉軍中火急催滅寇欲

酬朝食志教倉早取萬箱來

其十八

驚弓弱羽懾

王師瓦解星離已不支勢似疾風吹穉易決機制
勝在乘時

其十九

貫盈巨惡喪師徒束手倉皇一策無身在樊
籠兵在頸筭惟仰藥是良圖

其二十

天殛克渠朝露休俄看敵國起同舟難驅豺
虎窺秦塞但送妻孥作楚囚

其二十一

疇能先事即圖終遐邇咸寧
帝業雄迎刃盤根如破竹總由成竹具
宸衷

其二十二

風清不聽鼓鼙聲疆場欣看寇壘平多少豺
狼爭面縛沿邊重築受降城

其二十三

貔貅百萬赴邊關者定從容振旅還欲識
功成高幾許千尋請看賀蘭山

其二十四

行間將士盡投戈塞上農人舞復歌試問甲
兵何處洗靈州城外有黃河

其二十五

元惡鯨吞毒遠陬三驅大兕殪戈矛小藩從
此欣相保高枕恒無弱肉憂

其二十六

賣刀買犢自今年四海桑麻樂晏然北望龍
庭歸版籍田官直置過祁連

其二十七

雲開望裡戰塵收獻捷

皇朝錫宴優傾耳六軍歌杖杜歡呼同飲月氏頭

其二十八

揮戈電擊復風馳朔野縱橫滿伏屍聞道妖
狐梟首後至今血色污燕支

其二十九

投醪疇昔

念如林粗糲均嘗

帝德深此日堯衢饒鼓腹不孤

聖主一餐心

其三十

聖武北征功成詩
十
解渴千軍盼朔庭清流愛聽水泠泠即今九
有咸蒙

澤瀚海仙源合效靈

其三十一

青青曾說滿平原天賜芻供萬馬屯不是龍
沙生茂草那能苞蘖斷深根

其三十二

上駟寧無十二閑徒行昨歲歷千山昇平坐
享蒙誰賜即在

天王舉趾間

其三十三

回思邊野駐龍媒冬日寒雲黯不開任是雪
花如席大隨風曾拂

御衣來

其三十四

間關行路古來難偃仰皆思竊晏安豈似
至尊親跋涉無分酷暑與祁寒

其三十五

窮荒雲嶺隔千層或謂羈縻且莫懲
宸斷不搖如秦嶽壓來累卵果難勝

其三十六

水仙滄海弄波揚會

命樓船問土航近取天山來作鐔彎弓豈但掛扶
桑

其三十七

掃清三逆版圖安朔塞新平四國歡搏虎山
中擒或易彈鴉天外落尤難

其三十八

牽羊接踵拜

龍顏烽火全消指顧間遠勝漢皇躬耀武不逢一

騎只空還

其三十九

龍韜變化動如神指視驅馳閫外臣虎拜告成

叨

帝力安排彩筆畫麒麟

其四十

黃沙極目斷人烟

昭代聲靈撼八埏每笑越裳衿累譯直教禹貢

關山川

其四十一

武成

天蹕入長安童稚歌呼父老懼虎隊駕行皆拜手
黃旂紫蓋擁回

鑾

其四十二

當官誰肯薄輕肥屈指

皇衷簡在稀欲獎冰清風百執親停金勒

問胡威

其四十三

從官含笑騁驂騮滿目長空紫氣浮輦路人

瞻

天日表鏡歌聲徹鳳凰樓

其四十四

珠旗玉殿颺朝暉入賀羣工拜紫微收得窮猿

隨百獸

聖人萬歲坐垂衣

其四十五

祠壇升燎會纓簪

元后功同覆載深七獻自邀

神鑒速安民良慰作君心

其四十六

凱旋

九廟薦蘋蘩

聖祖居歆陟降存遙想

在天應色喜皇圖累葉拓

神孫

其四十七

定省

天心日夕懸暫因戎馬隔山川盡消鐵甲還

金闕玉冊親呈

聖母前

其四十八

垂紳鳴玉滿金闈擬上鴻名頌

日躋管裡那能窺

帝德巍巍祇見與天齊

其四十九

龍城鐵馬不聞嘶湛露晨飄濕

紫泥五色雲中翔木鳳千官

闕下聽金鷄

其五十

聖武北征功成詩
盛世丕基肯構崇功成虔祀

寢園中

龍輿到處狼烟淨佳氣橋山倍鬱葱

其五十一

鴻猷應示萬年餘金匱瑤編付石渠載筆只愁
無妙手蟠天勲業不勝書

其五十二

翠輦從容紫塞回端居閭闔九天開銀臺絡繹封
章滿萬國多因賀捷來

其五十三

鳥銜

鳳綵出皇州昭告羣神祀事修已識要荒咸震
疊更看河嶽並懷柔

其五十四

昨歲陳牲闕里看今年又見

命祠官

聖朝武事連文教時有馨香拂杏壇

其五十五

古帝明禋有舊章兵戈新喜偃沙場窮搜不
覺龍荒遠奮武真堪報百王

其五十六

擊壤謳歌四海寧共球絕域盡來庭

皇謨自具天工妙看取櫂槍作景星

其五十七

除克喜愜

一人心脫劍雍容返禁林七德九功教作舞薰風

時節撫虞琴

其五十八

縹緲祥雲護

紫宮承平萬載罷從戎千金馬放長林外七萃

人歸禁衛中

其五十九

秉鉞親驅到不毛末清勲業並雲高我

皇手射天狼墜汗馬猶思將士勞

其六十

迅掃邊塵六服同

睿謀獨決建神功請賡塞上平戎曲異雜簫韶入

舜聰

日講官起居注翰林院侍講學士臣王九齡恭

進

